


An Tropfo uf an hoafso Stuo
will sövel säga wio fascht nünt.
ischt, eopas anderscht gseit, "nid gnuo"?
Will säga, daß as meh si künt.

As lot sä düto, wenn ma woafst,
was ma i Wohrat Tropfo hoafst.



Verstand sei 's wichtig Instrument
im Hirn, wo was der ander seit arkennt.

Eotz heat ma aber all scho gseit,
dass 's Instrument 's Verstoh verseit,
wenn z'mol an Ma söt sine Frou
verstoh, und ihre Reocht gio ou.



Alt Zit

(ASP702-04.01.2019)



Wo ischt sä hio, die guot Alt Zit?
Dio ka sä doch nid ufglöst hio.
Obwohl as nünt git, wo 's nid git,
muont alls, as töü sä numma gio.

Du kascht druf goh, sie findt hüt statt;
Der Zit ischt Zit zwor z' gföhrlä.
Verstecko tuot sie hüt sä glatt.
Wart blös no a paar Jöhr lä.
Denn fallt do Lüto wieder i,
dass hüt sei gär alls besser gsi.


As goht üs guot, as heat kuo Not.
blös üsrä Zit ... veraltat z gnot

(ASP702-04.01.2019)



Lass rücho d' Fantasie,
ou mine ischt uf Weego.
Sie trioft ganz gwioß die di.
Gwioß beida kut as gleogo.

Du kascht dä druf verlo,
sie wöarond sä verstoh.
Wenn mir ou nid ververstond,
dass sie üs hänko lond.





Die meischtö Lüt siond i deom Gloubo,
ma dör kuo Fehler sä arloubo.

Wenn seolto Fehler dir arrionnond
die wenigo a Geoltung gwionnond,

will uos ischt amol sunnoklarklar:
an hoho Wert heat all das rar.



Frühling lässt sein blaues Band
wieder flattern durch die Lüfte;
Süße, wohlbekannte Düfte
streifen ahnungsvoll das Land.

Veilchen träumen schon,
wollen balde kommen.
Horch, von fern ein leiser Harfenton!
Frühling, ja du bist's!
Dich hab' ich vernommen!

*(Mörike * 1804, Ludwigsburg)*

Frühling, huomlä züchschet i 's Land,
wio all Johr, so ganz verstohlo,
über Nacht, uf leiser Sohlo.
Bringscht mä om mi klä Verstand.

Viölä a-n-all Rüono,
Kroküs geobend sä adrett,
blüönd alle wio om d' Wett;
d' Weolt arstrahlat heoll im Grüono.

Bärauch, wo do Bodo deckt,
scho uf alle Witä schmeckt.
Früoling, du Halodrio,
trib 's no rüobig witer so.

*(Spiegel *1933, Doarobiro)*

U'usspreochlä

(ASP706-12.01.2019)



A u'usspreochläs Glück i hio,
dass i däs bio, däs wo-n-ä bio.
I tät mä u'usspreochlä schwär,
wenn i, i muon halt, i nid wäre.

Ma stell sä vor, i wär perfekt,
dänn blüb min wohra Kern versteckt.

Ma stell sä vor, i wär sau gschied,
dänn bloggitt siocher d' Weolt do Nid.

Ma dänk, mir tät min Stolz nid weh,
dänn wär nid "i" "i" - jeminee !

Uon Vortel aber i scho hio,
wil i nid so wio diosä bio !
Güb 's no so uonon as wio mi,
wär 's Unikum alluo nid i.

(ASP706-12.01.2019)



Dass 's Geold all mionder wert si töü,
wenn ma 's am Schaffa hionder,
ischt deom wo reochna ka nid nöü.
Wer will scho hio all mionder.

Blös sötischt eobo seolb druf ko,
wio 's Geld ou söttischt schaffa lo.
Scho däs alluo ischt schwirig,
und macht gär mängon gierig.

Wenn d' an Kredit , nid z' klänn, uf nischt,
an Milionär fürs Erscht abgischt.
Dänn stohscht, döt kascht druf goh,
uf all Fäll optisch reocht guot do.

Wer omgoh ka mit Geold,
heat jo scho Vörtel uf-or Weolt.
Ganz wenig aber 's Wioßo händ,
wio Schulda ma würd los am End.



I hio i na ma Farbrospekt
a Werbung für a Sach entdeckt
wo ma nid brucht und 's trotzdem kouft.
Kascht luoga wio do-n-Omsatz louft.

Ma brucht 's blös, will 's do Nochbur hei.
Und will im Angebot as sei.
As ischt an Schmarro-n-ischt zuo nünt.
Ma glei 's in Reschtmüll houo künt.

Wart, wenn's di lit, a Wilä halt,
bis no an Nochbur inä fallt.



Gwioß heat do Heargott nid nünt dänkt,
Humor heat er mir bis gnuo gschänkt.
Mit mir heat gmuont ar 's gwioß blös guot.
Ar würd scho gwiosst hio, was ar tuot.
I red iohm gwioß nio numma dri.
As künt jo no viel gschiossnor si.